

PODACI O PROJEKTU

Bosna i Hercegovina Oktobar 2021. godine

UNAPREĐENJE RADA LOKALNIH VLASTI



Entitetski Savezi općina i gradova (SOG) u Bosni i Hercegovini nose ključnu ulogu u zagovaranju promjena legislativa, ali i načina finansiranja općina i gradova. Nadalje, Savezi trebaju voditi intenzivne zagovaračke procese, kao i promovirati decentralizaciju. Glavni cilj projekta „Jačanje Saveza općina i gradova u BiH“ jest upravo osnaživanje Saveza, kako bi i oni mogli pojačati svoju zagovaračku ulogu.

Bosna i Hercegovina, u procesu tranzicije, suočena je s različitim razvojnim izazovima kao što su ekonomski pad, visoka nezaposlenost, porast siromaštva i socioekonomske nejednakosti. Kompleksna struktura vlasti nerijetko koči razvoj i na taj način negativno utječe na potencijal lokalnih uprava da budu ključni pokretači razvoja. Općine su također spriječene neadekvatnim i neusklađenim javnim politikama i zakonskim okvirima, te manjkom sredstava da realiziraju prioritetne projekte. U takvom sistemu i djelovanju unutar nepotpune decentralizacije, Savezi općina i gradova zastupaju glasove općina, te predstavljaju njihove interese prema višim nivoima vlasti. Upravo ta uloga Saveza omogućuje prevazilaženje mnogobrojnih praznina u komunikaciji i kretanje reformi naprijed. Nadalje, Savezi bi u budućnosti trebali zauzeti iznimno bitnu ulogu u izgradnji kapaciteta općina i gradova kako bi uspješno postigli standarde Evropske unije, te pristupili EU fondovima.

ZAJEDNIČKI INTERESI OPĆINA I FUNKCIONALNA DECENTRALIZACIJA

Cilj projekta je institucionalna i organizacijska promjena rada Saveza općina i gradova, kako bi poboljšali svoje zagovaračke aktivnosti, te čvrsto zastupali interese općina u razvojnim decentralizacijskim procesima. Projekat će dodatno osnažiti kapacitete Saveza, kako bi oni dalje mogli podržati lokalne vlasti u pružanju efikasnih usluga građanima, te se pridržavati principa odgovornosti. Svi ovi napori će rezultirati poboljšanom ulogom i statusom Saveza kao uglednih aktera u promoviranju demokratskog razvoja na putu evropskih integracija.

Savez opština i gradova Republike Srpske okuplja 64 jedinice lokalne samouprave, dok Savez općina i gradova Federacije BiH okuplja 80 jedinica lokalne samouprave, te Brčko distrikt. U svojoj misiji, oba Saveza zastupaju zajedničke interese općina pred entitetskim i državnim vlastima, te lobiraju za usvajanje novih zakona i odredbi. Međutim, Savezi općinama trebaju pružati i profesionalne usluge u oblastima zakonske i fiskalne podrške ka uspješnim EU integracijama. Također, posjeduju i potencijal da služe kao platforme za razmjenu znanja i informacija. Kako bi se uspješno ostvarila uloga Saveza kao i zagovarački napori, bit će potrebno podizanje svijesti općina i gradova o cjelokupnoj ulozi i funkcijama Saveza, te na taj način stvoriti i pritisak odozdo prema gore.

ZAJEDNIČKA INTERVENCIJA SDC-a i SIDA-e

Od 2001. godine, Švicarska agencija za razvoj i suradnju (SDC) podržava lokalne vlasti i surađuje sa Savezom općina i gradova na brojnim projektima, a sve s ciljem osnaživanja lokalnih vlasti da nezavisno, vizionarski i efektivno upravljaju razvojnim procesima. Projekat „Jačanje Saveza općina i gradova u BiH“ je komplementaran sa



tekućim projektima SDC-a, kao i projektima ostalih međunarodnih organizacija, u oblasti općinskog razvoja. Projekat će podržati implementaciju strateških planova Saveza, ali i procese uspostavljanja funkcionalne decentralizacije i samim time bolje pozicioniranje i jačanje djelovanja lokalnih vlasti.

Projekat će biti realiziran kroz tri faze, u periodu od januara 2016. do decembra 2027. godine, a cjelokupno ulaganje će iznositi 5 miliona CHF. Projekat će biti realiziran u partnerstvu Švicarske agencije za razvoj i suradnju i Švedske međunarodne razvojne agencije (SIDA), te na taj način zajednički finansiran od strane vlada Švicarske i Švedske.

SAŽETAK PROJEKTA

NAZIV:

Projekat "Jačanja Saveza općina i gradova u BiH"

DOMENA:

Lokalna uprava i općinske usluge

TEMA:

Uprava, institucije i decentralizacija

ZEMLJA / REGIJA:

Bosna i Hercegovina

PARTNERI:

Švedska vlada / Sida, kao sufinansijer projekta
SALAR/SKL, kao fasilitator projekta
Savez općina i gradova Federacije BiH i Savez opština i gradova Republike Srpske, kao implementacijski partneri

POLAZNA TAČKA / POZADINA:

Općine u Bosni i Hercegovini djeluju kroz neadekvatne javne politike i zakonske okvire koji nisu usklađeni na različitim nivoima vlasti. Nadalje, njihovi razvojni prioriteti ne mogu se ostvariti zbog nedostatka sredstava. Preduvjet boljeg pozicioniranja općina i postizanje funkcionalne decentralizacije jest jačanje i intenziviranje uloge i aktivnosti Saveza općina i gradova.

CILJ PROJEKTA:

Projekat „Jačanja Saveza općina i gradova u BiH“ ima za cilj razviti kapacitete Saveza i ojačati njihovu zagovaračku ulogu kako bi bolje predstavljali interese općina na višim nivoima vlasti, ali i unutar procesa pristupanja Evropskoj Uniji. Projekat će također podržati Saveze u procesu ostvarivanja funkcionalne decentralizacije.

CILJNA GRUPA:

Savez općina i gradova Federacije Bosne i Hercegovine, Savez opština i gradova Republike Srpske (ukupno 144 jedinice lokalne samouprave) i Brčko Distrikt.

BUDŽET:

CHF 2 062 000 (učešće Švicarske, faza 1)

TRAJANJE:

Faza 1: januar 2018. – mart 2022.

DODATNE INFORMACIJE I KONTAKT PODACI

Swiss Agency for Development and Cooperation (SDC)
Cooperation with Eastern Europe,
Western Balkans Division
Freiburgstrasse 130, 3003 Bern
Tel. +41 (0)58 462 22 12
E-Mail: deza-oza@eda.admin.ch
www.sdc.admin.ch

Ambasada Švicarske u Bosni i Hercegovini
Zmaja od Bosne 11, Zgrada RBBH, objekat B
BiH-71000 Sarajevo
Tel. +387 33 27 58 50, +387 33 25 40 30
Fax +387 33 57 01 20
E-Mail: sarajevo@eda.admin.ch
www.eda.admin.ch/bosnia-and-herzegovina